

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Verna - A Dominica Septuagesimae, ad Dominicam SS. Trinitatis

**Haineuve, Julien**

**Coloniæ Agrippinæ, 1665**

Feria 6. De eadem charitate Christi Domini, quâ nobiscum semper manet  
in SS. Sacramente. Quàm gloriosum est Sacramento, multa in nos posse,  
si velimus: tam ignominiosum est pauca posse, quod nolimus.

**urn:nbn:de:hbz:466:1-44214**

à via iustitiae seu veritatis; & quanta pœna maneat talem retrogressum ac contemptum Dei. Nonne jam expavescis ad tale impietatis portentum?

### III. PUNCTUM.

**M**elius ergo erat viam iustitiae non introisse quam retroire. Cum melius sit ex duobus malis, evitare maius: maius autem malum sit, retroire quam non introisse viam iustitiae, quandoquidem in tali retrogressu talis est contemptus Dei, quem vix alibi reperias: & qua proportione crescit hic divinis contemptus in peccatis, eadem prolus in gravitate & malitia crescunt peccata, quia nihil est in deformitate peccati deformius, quam Deum contemnere, cui honor & gloria tot debetur nominibus, ut dissolvendo debito nunquam pares simus.

Hoc primum est, quod per Prophetas conqueritur, & ad quod audiendum cœlum & terram invitat, ut testes sint quam justè conqueratur: *Audite cœli & auribus percipe terra: quoniam Dominus locutus est. Filios enutriui & exaltavi, ipsi autem speraverunt me. Expende singula: Deus spemi! spemi a filiis! a filiis enutritis & exaltatis!* Hæc valde augent injuriam! sicut autem hi filii desertores contemnunt Deum, ita & valde contemptibiles redduntur coram Deo & hominibus: coram Deo quidem, qui propterea illos a se ait: evomere, unde hæc præclara sunt Cassiani: Nec immerit eos Dominus, quos jam in viceribus receperat Charitatis, noxiè tepefactos, cum quadam convulsione pectoris sui evomendos esse pronunciat, qui cum salutarem ei quodammodo

potuissent prebere substantiam, avelli ab eis visceribus maluerunt, tanto deteriores esse illis, qui nunquam ori Dominico illari sunt cibis, quanto id, quod naufragi compellente projicimus, odibilem detestamur. Quidquid enim frigidum est, etiam ore nostro suscepimus vertitur in calorem, & salutifera pœnitentia percepitur; quod autem semel virtus perniciosa est, abjectum est, non dicamus labiis admodum, sed etiam eminus intueri sine ingenti horrore non possumus. Reclissimè ergo pronunciatur esse deterior, &c.

Coram hominibus vero quam sint odibiles & horrendi, ex eadem similitudine vomitus, Scriptura satis indicat cum eos comparat in utroque testamento cani vomitum resorcenti, & immundo animali lutum repetenti, quibus quid est foedius, quid horribilius? Horribilis profectio res est, inquit sanctus Augustinus, proprium resorbere vomitum, nec in summa quidem fame à quoquam usurpatum.

Cave itaque tepiditatem, cave negligētiā; paulatim irrepit calus & ruina. Mons cadens defluit, & saxum transfertur de loco suo. Vide Job decimo quarto, & trigesimo octavo, ubi quod queritur, de cuius utero egressa est glacies; & gelu de cœlo quis genuit! ap̄t̄ sanctus Gregorius tibi aptat, Quod de utero Dei tanquam glacies egredieris, quando qui iam intus incalueras, ex virtutum dono frigescis. & inde exteriorem gloriam torpido appetis, unde ad interna diligenda Ardentius flagrare debueras. Exاردلے ad fervorem. Et vide in 2. parte, Die 7. Januarii. In hac 2. parte Feriam 5. Sexagesimæ. In 3. Fer. 3. hebdomadæ 1. In 4. Fer. 3. hebdom. 18. Et verbo Fervor, Renovatio.

Prov. 28.  
2. Pet. 2.

In Ps. 30.

## FERIA SEXTA.

### DE EADEM CHARITATE CHRISTI

Domini, quam nobiscum semper manet in Sanctissimo Sacramento.

Ecce ego vobis sum omnibus diebus usque ad consummationem saeculi. Matth. 28.

#### VERITAS PRACTICA.

Quam gloriosum est Sacramento, multa

in nos posse, si velimus: tam ignoriosum est pauca posse, quod nolimus.

Ss 2

Ratio

**R**atio est, quia quam gloriosum Christo est divinitas bonitatis sua nobis communicare, tam ignominiosum est eas a nobis neglegi.

**S**ed multa in nos posse, si velimus, est divinitas bonitatis communicare, & pauca posse quod nolimus, est illas a nobis neglegi.

**E**rgo quam gloriosum est Sacramento seu Christo Domino sic remanentib[us] nobiscum, multa posse in nos si velimus; tam ignominiosum est pauca posse quod nolimus; unde excitanda est in Domino melior voluntas & dispositio ad illas gratias.

### I. P U N C T U M.

**Q**uanta sit charitas Christi scipsum re-inquentis in Sanctissimo Sacramen-to, & quam vere charitas illa non excidat, cum sic nobiscum maneat omnibus diebus usque ad consummationem facili, & per se patet, & aperit demonstrant hæc Tridentini verba; *Salvator noster dicens urus ex hoc mundo ad Patrem, Sacramentum hoc instituit, in quo divinitas divini sui erga homines amoris velut effudit.*

Verè hic Christus Emmanuel, id est, nobiscum Deus, longè etiam commodius & opportunius, quam cum inter homines olim versaretur; nam in uno duntaxat vivebat loco, in una Palæstina, solis Judæis notus, nondum glorificatus, ac proinde nondum de Spiritu suo tam abunde communicans. At modò per hoc admirabile Sacramentum, ubique locorum est, ubique se totum intus in cor nostrum, in penitiora quæque animi nostri sese infundit; aut potius animum nostrum in se penitus trahit & immutat; *Qui manducat, inquit, meam carnem, & bibit meum sanguinem, in me manet & ego in illo.* V N V M corpus efficiunt, ait sanctus Chrysostomus, non tantum per charitatem, verum & ip[s]a: propria semetipsum nobis immiscuit, & corpus suum in nos contemplaverit, ut unum quid simus tanquam corpus capiti coaptatum; ardenter enim amantium hoc est,

O quam vere dictum, *Cum dilexisset suos qui erant in mundo, in finem dilexit eos!* sed quod magis mirum dictu, & suave cogitatu: non modo sic scipsum reliquit in hoc divinissimo Sacramento, ut nobiscum esset; sed ut bonis benefaceret, & suis ita plenè cumularet gratias, ut potius decesseras illis recipiendis quam ille nobis conferendis. O rem supra communem hominum fidem & morem! quis

crederet homines, qui nulla rerum habenda cupiditate latiantur, ita tamen parum moveri ad has spirituales & celestes divitias, ut penè quād magis velit Christus nobis eas elargiri, tantò minus velimus eas recipere! Et sicut si vellemus, nullum est boni genus, quod non posset & vellet nobiscum communicare; sic plane si tam pauca comuniceret, non aliunde est quam quād nolimus. Atque hinc sit, quod ad stupitudinem nostram excitandam non parùm valere potest cum gratia, si cogitemus, *Quod quam gloriosum est Sacramento seu Christo, tam multa in nos posse si velimus, tam certè est ignominiosum, tam pauca posse vel facere, quod nolimus.*

Ratio jam ex dictis pater; quid enim gloriosius Christo potest accidere, quam cum magis agnoscat? At quandam magis agnoscat, nisi cum bonus & potens demonstratur? Ubinā verò clarissim hæc demonstratio bonitatis & potentiae Christi aperitur, quam in hoc Sacramento, ubi divinitas bonitatis sue, id est, ipsam totam, quanta est, bonitatem effundit? *Haurite ex me tanquam ex Nilo,* dicebat quondam Vespasianus Ägyptis: sed quam arcta esset & angusta illa gratia, quis non videt, cum ip[s]ius Nili liberalitas cui se comparat, non se multum effunderet. At verò Christus Dominus Haurite ex me tanquam ex Deo qui fons est bonitatis inexhaustus. Hoc certè Christo tam gloriosum est, ut quantumcunque gloria jam in cœlo possideat, magis ac magis ei desideretur & concinatur à cœlitibus incolis; *Dignus es Domine Ap[u]. deus noster accipere gloriam, & honorem, & virtutem.*

Verum quod est alterum propositionis caput; quam gloriosum est Christo sic se posse & velle nobis communicare, tam certè ignominiosum est, si talis communicatio negligatur a nobis. Sicut enim gloria, quæ illi datur in cœlo vel in terra, nihil est alius quam testimonium excellentiæ, quæ in eo agnoscatur; sic neglectus communicatæ bonitatis & gratiæ non est aliud, quam signum modicæ vel nullius æstimationis quæ habetur de tali gratia; nihil quippe negligitur nisi quod non æstimatur: non æstimate autem aliquid in Christo, tam est indignum & probossum quam illud est gloriosum & estimabile, quod æstimatur. *Communaverunt gloriam ejus in ignominiam.* O humana portentum nequitur quæ vellesne hoc tibi objici?

### II. PUN-

*Seff. 13.*  
*5. 2.*

*Ioann. 6.*

*Hom. 62.*  
*ad popul.*  
*Antioch.*

*Ioann. 13.*

## II. PUNCTUM.

**S**ed quando dicitur Christum vel Sacramēto multa in nos posse si velimus, & pauca facere quod nolimus, perinde est ac dicere, quas Christus Dominus divitias sua bonitatis nobis communicat, à nobis negligi.

Cū enim ex sua parte Dominus ita sit p̄atus ad profusionem sui communicandam, ut quod ēst in Scriptura hoc unum à te petat, *Affer mihi vias, id est, puritatem animi, id est, voluntatem pronam & bene affectam ad recipiendas & conservandas gratias; profecto si quid non faciat, defectus humanae voluntatis est, sicut nonnulli deficientibus yalis stetit oleum à Propheta impetratum. Et non vultis, inquit, venire ad me, ut vitam habeatis!*

*Matth. 23*

*QVOTIES volui, & noluisti!*

At verò nolle tale bonum, quale est vita spiritualis, vita æterna, vita Christi, vita Dei, nonne est illud negligere, cum præcipue nihil impedit ab eo recipiendo, non impensa, non labor, non dedecus: immò multa invitent & compellant; rei ipsius dignitas, Christi offerten bonitas, donorum ampla utilitas, & lexcenta hujusmodi. *Mensa Domini contaminata est, & quod superponitur contemptibile est,* ait Propheta. aut potius ait impius per Prophetam, qui quas offert Sacramēto divitias, nolendo recipere negligit, & negligendo perinde facit, ac qui reputaret vile & contemptibile quod offertur in mensa Domini. Velle sine hoc dicere; velle sine hoc de te dicere? Et tamen is, qui rām multa in te posset si velles, facitne quae posset omnia? facitne vel medium eorum partem? At unde hoc nisi quia non vis, nisi quia negligis? nisi quia divitias bonitatis ejus contemnas?

## III. PUNCTUM.

**Q**uām glōrīsum ēst iugiter Sacramēto, multa in nos posse, si velimus, tam ignominīsum ēst pauca posse quod nolimus: quia quae illi gloria est a bonitate, quam demonstrat, verritur quodammodo in ignominiam, à pravitate nostra quae talēm bonitatem recusat & negligit; quasi non esse tale bonum, quod multum æstimetur & magni fiat a nobis! *Anima nostra jam naufragat super cibō isto levissimo,* dice-

*Num. 21.*

bant Israēlitæ de manna? & hoc dicentes nonne ipsi manna vel potius Deo tantum inficebant injuria & ignominia, quantum illi gloria debebatur, quod, sicut ait Sapiens: *Angelorum ēs ea nutrīret populum suum, & paratum panem de cœlo præstaret eis sine labore,* omne delectamentum in se habentem, & omnis saporis suavitatem? Hinc aperte sanctus Joannes Chrysostomus: *Si Christus nos attenderet, & non infinitam suam bonitatem, jam à nobis abstulisset divina Sacramenta: dignos enim nos hac pena efficimus, & indignos ipsi Sacramentis, dum en suscipientes minus digni, & illa & Christum traducimus. & quācum in nobis est, fama & honore privamus.*

Certè si vellet sua summa & absoluta uti potestate, posset in te quod vellet, quis est enim qui possit ei resistere? sed post oblatam primam gratiam, quā si velis, potes quod à te Christus exigit, jam id à te non aliter exigit & reposcit, quām ut libenter velis quod potes. At verò tam multa sunt, ut ante dixi, quae te movere debent ad id libenter volendum, ut tametsi flagella, & morbos, mortem & si quid est asperius tibi inferret, tu libenter acceptare deberes, quia Dominus est, quia bonus, quia justus, quia Deus; & nisi abfolutum, quod in te habet, dominium libens agnosceres, tūm forte cogereris illud nolens volensque venerari & dicere: *Inustum est, subditum ēsse Deo.* *2. Macch. 9.*

Quando autem nihil nisi delicias offert & divitias, tu qui deliciis & divitias maximè permoveris, quid est, quod asperneris & negligas quas tibi offert opes? quid est, quod illi respondere possis, nisi quod alias habes delicias, quae tibi suaviores videntur, & alias cupis divitias quae tibi apparent commodiores?

*V.S. Greg.  
in l. 1. Reg.*

*c. 2.*

At quid est injuriam & ignominiam Christo inferre nisi hoc sit? Quasi ille nesciret, quales essent verae deliciae & divitiae, aut quasi non posset aut nollet tibi conferre quas sciret esse opportunas? Cognovit bos posse fore suum, & a finis p̄ se Domini sui; Israel autem me non cognovit, & populus meus non intellectus! Afficeret magis ac magis in sanctissimum Sacramēto, desidera vehementius, sulpita frequentius, & semper cum Jobo dicas; *antequam comedam, suspira.* *Iob 10.*

Videri possunt in 3. parte, duæ primæ hebdomadæ; necnon postremæ tres Feriae hebdomadæ 13.

*Ss. 3 SAB-*